

能惠施一切衆生无上安樂如是等諸菩薩各自立奇特妙願莊嚴菩提利益一切衆生為念佛恩為報佛恩故即從座起胡跪合掌而白佛言願以此經付囑我等諸菩薩衆阿難白佛言世尊云何名此經云何奉行佛告阿難此經名攝衆善本亦名大方便亦名微密行亦名佛報恩佛告阿難及諸大菩薩摩訶薩衆汝等當如說修行說是囑累品時七万二千聲聞發无上菩提之心及餘一切諸天龍鬼神乾闥婆緊那羅摩睺羅伽人非人等及一切大衆聞佛所說歡喜奉行

大方便佛報恩經卷第七

辛丑歲高麗國大藏都監奉勅雕造

報恩經第六卷 第三十二張 覆

佛說菩薩本行經卷上

失譯人名今附東晉錄

聞如是一時佛在舍衛國祇樹給孤獨園介時世尊見諸沙門身心懈怠不勤精進告阿難言夫懈怠者衆行之累居家懈怠則衣食不供產業不舉出家懈怠不能出離生死之苦一切衆事皆由精進而得興起在家精進衣食豐饒居業益廣遠近稱歎出家精進行道皆成欲得具足三十七品諸禪三昧道法之藏截生死流至泥洹岸無為安樂當勤精進勤修為本欲得六度无極四等四思如來十力四無所畏十八不共特異之法六通三達成一切智欲得具足三十二相八十種好嚴淨國土教化衆生皆由精進而得成辦佛告阿難乃往過去无央數劫時有五百長者子設施大壇堅立大幡擊鼓宣令沙門婆羅門貧窮乞食者當惠與五百長者子各出珍寶象馬車乘衣被飲食各隨所之悲皆與之時有一貧人周行詣國

覆

至此國中見五百長者子施立大壇賑窮濟乏周救一切无所遺惜而問之言汝等布施所作功德求何等願即便答言持此功德欲求佛道余時貧人重復問曰何謂佛道其法云何諸長者子而答之言夫佛道者過於羅漢辟支佛上三界特尊天人之師无量慈悲無極大哀普應五道衆生之類猶如赤子教化一切悉令為善斷絕衆生三塗之苦度生死海使至泥洹安樂之處所謂佛者諸惡永盡諸善普會无復衆垢諸欲都滅六度無極皆悉滿畢以權方便隨時教化而无有極有十神力四無所畏十八不共奇特之法三十七品道法之藏而无有極身紫金色三十二相八十種好六通清徹無所罣碍前知无窮却觀無極現在之事靡所不知三達遍鑒顯于十句有如此德故號為佛也諸長者子等各各歎佛无量德行悉皆如是於時貧人聞佛功德心自念言我今亦欲學習此願廣度一切加復貧窮无有財寶當用何等而行

菩薩本行經卷第七 第三十二張 覆

布施意自念言當持已身而用惠施作是念已便行索蜜而用塗身卧於羖間便作願言今我以身施與一切若有須肉頭目髓腦我悉與之持是功德用求佛道廣度一切作是願已應時三千大千世界為大震動諸天宮殿岨峨踊沒時諸天人馳動惶遽釋提桓因即以天眼觀閻浮提見於菩薩在於羖間以身布施即便來下而欲試之化作衆狗飛鳥走獸欲來食之於是菩薩而見衆狗諸飛鳥輩來戰其身心便歡喜无有退轉傾動之意於時天帝還復釋身而讚歎言善哉善哉甚奇難及所作功德欲求何願天帝梵王轉輪王乎於是菩薩便起答言不求天帝轉輪聖王魔王王亦不願求三界之樂今我至意欲求佛道我既貧窮无有財寶可用布施以身惠施用求佛道廣度一切無量衆生尔時天帝釋无數諸天異口同音讚言善哉善哉奇特難及時天帝釋便說偈言

辭了无吾我雖用財寶施此事不為難勇猛如是者精進得佛疾時天帝釋語菩薩言汝大勇猛精進難及過踰於此五百菩薩所施者上百千億倍不可計倍當先在前而得作佛帝釋諸天以天香花而散其上歡喜而去佛告阿難尔時貧人者今我身是五百長者子今此弥勒五百菩薩是我以精進勇猛之故超諸菩薩所作功德而先成佛精進勤修不可不逮也菩薩布施如是於是阿難及諸比丘聞佛所說莫不歡喜為佛作礼各各精進修建道行聞如是一時佛在舍衛國祇樹給孤獨園有一居士財富无數所有珍寶多於王藏字摩訶男摩為人慳貪不敢衣食不知布施若行出時乘朽故車結草為蓋著弊故衣食鬱陳穀未嘗美食食便閉門時病困篤遂便喪亡又无子息所有財寶波斯匿王盡奪收去已身妻女不蒙其恩波斯匿王往至佛所稽首佛足却坐常位問世尊言國有居士名摩訶男摩為人

慳貪不肯布施不知衣食今者已死生於何道佛告王曰墮於盧菴地獄之中數千萬歲受衆苦痛從地獄中出當墮餓鬼晝夜飢渴身常火燃百千萬歲初不曾聞水穀之名王聞佛說心驚毛豎悲泣哽咽不能自勝佛告王曰夫為智者能捨慳貪行於布施現世獲祐後世受福昔過去世此閻浮提有大國王名迦鄰迦跋弥為人慈仁典閻浮提八万四千諸小國王有万大臣二万嫫女一万夫人人民興盛時火星運現太史占之當早不雨經十二年太史自王星運變現舉閻浮提十二年中當早不雨若不雨者則五穀不收人民飢餓國欲大荒當云何耶時王聞之大用愁憂即勅群臣召八万四千諸小國王盡來集會盡皆條疏人民口數又疏現穀多少斛升不問男女老幼貴賤大小計人并計日日與一升粟不得長食群臣諸王皆悉受教各還本國宣令所屬悉皆如是從是日後天旱不雨不耕不種无有米穀人民飢餓死者

甚多群臣白王人民飢困死者甚多王告群臣宣令諸國告勅人民各持十善雖復身死神得生天快樂自然諸臣受教咸各宣令人民大小皆持十善其有死者盡得生天時有一人聰明智慧端正無比見比舍家母與兄共通其人見之心便不樂意自念言雖得人身作畜生行色欲所惑子不識母母不識子顛倒上下不相分別生死之中甚大可畏即便剃頭而著袈裟詣於山澤坐禪思惟由有愚癡貪婬瞋恚致有諸行便受五道生死衆苦若無三毒則無諸行諸行已滅則不受身已無有身衆苦便滅思惟如是豁然意解諸欲永盡即時便得辟支佛道六通清徹无所罣碍便自思惟我今當受何誰食耶觀閻浮提一切人民皆悉飢餓食不可得唯當往詣大王迦那迦跋弥所而乞食耳即便飛到大王宮內從王乞食王言我食齊此今日便盡王自念言今我自食會亦當死若我不食亦當死耳今得值此神人難遇我寧不食飯

菩薩本行經卷上 第六跋 漢

此快士自持食分即便用飯此辟支佛辟支佛食飯已訖意自念言今此大王所施難及當使其王益加歡喜即於王前昇於虛空飛騰變化東踊西沒西踊東沒南踊北沒北踊南沒上方踊下方沒下方踊上方沒經行虛空或坐或卧身上出水身下出火身下出水身上出火自分身作百作千作万乃至無數以無數身還合為一現變已竟從空來下住於王前而語王言汝今所施實為難及欲求何願必當與王及群臣夫人姝女皆大歡喜頭面著地札辟支佛足而求願言今我國土人民飢餓危困至甚命在旦夕今我持此最後之食施此快士持此功德除我國中飢困唯求此願時辟支佛即答王言當如所願言竟即便飛去應時四方即便雲起合於虛空便作大風吹地不淨穢穢糞除悉令化去便雨自然百味飲食遍閻浮提復雨五穀次雨衣被次雨七寶閻浮提內八万四千諸王臣民皆大歡喜王告勅群臣宣令八万

菩薩本行經卷上 第七跋 漢

四千諸王各勅所屬一切人民皆持十善時閻浮提五穀豐盛人民歡喜行於十善慈心相向如父如母如兄如弟於時人民壽終之後盡得生天無有墮於三惡道者佛告王曰今時迦那迦跋弥者我身是也而我今時直以一食施辟支佛現世獲福功德如是因此功德自致成佛一切衆生諸有飢渴苦惱之者令獲道證安隱快樂使至無為時諸弟子帝王臣民皆大歡喜

今時世尊重告王曰一切衆生為慳索所縛慳蓋所覆不知布施獲其大報不可稱量自念曩昔過去世時此閻浮提有城名不流沙王名婆檀寧夫人字跋摩竭提時國穀貴人民飢餓加有疫病時王亦病夫人自出祠天街邊有一家夫行不在時婦產兒又无婢使產後飢虛復無有食飢餓欲死便自念言今死垂至更无餘計唯當還自瞰其兒耳而用濟命即便取刀適欲煞兒心為悲感舉聲大哭

菩薩本行經卷上 第八跋 漢

慘切愴然憐傷便住聽之而此婦人適欲舉刀欲煞其子便自念言何忍取其子肉作是念已便復啼哭夫人便入其舍就而問之何以啼哭欲作何等婦即答言無食食之加復產後身倍虛羸欲自煞兒用濟其命夫人聞之心為悼慙語言莫煞其子我到宮中當送食來婦人答言夫人尊貴或復稽遲或能忘之而我今日命在呼吸不踰時節不如自噉其子以用濟命夫人問言更得餘肉食之可不答言果得濟命不問好醜也於是夫人即便取刀自割其乳便自願言今我以乳持用布施濟此危厄不願作轉輪聖王天帝魔王梵王也持此功德用成无上正真之道即便持乳與此婦人適欲舉刀更割一乳應時三千大千世界為大震動諸天宮殿皆悉動搖時天帝釋天眼觀之見夫人自割其乳濟其危厄時天帝釋無數諸天即時來下住虛空中皆為悲泣淚如盛雨於時天帝住夫人前而便問言汝今所施甚為難及求何願耶夫

菩薩本行經卷上

第九品 廣度

人答言持此功德用求无上正真之道度脫一切衆生苦厄天帝答言汝求此願以何為證於是夫人即立誓言今我所施功德審諦成正覺者我乳尋當平復如故其乳尋時平復如故天帝讚言善哉善哉汝成佛不久諸天歡喜即便現形歎夫人言汝今所施得无悔恨以為痛耶答言我無悔恨不以為痛天復答言若无悔恨以何為證於是夫人便立誓言我今所施用求佛道无悔恨者令我女身變成男子立誓已訖應時女身變為男子時諸天神讚言善哉善哉如汝所願成佛不久王及臣民數甚奇特歡喜无量是時國中衆病消除穀米豐賤人民安樂却後國王崩亡群臣共議當更立王時天帝釋來下語群臣言跋摩竭提變身化成男子加有福德應得為王諸臣歡喜即拜為王人民熾盛國遂興隆佛告王言今時跋摩竭提者今我身是而我今時不惜身命布施如是現世獲報即變其身成於男子得紹王位因是功德今得成

菩薩本行經卷上

第十品 廣度

佛普救一切菩薩行檀波羅蜜勇猛如是諸弟子國王臣民皆大歡喜為佛作札而去聞如是一時佛在舍衛國祇樹給孤獨園城中有一婆羅門於城外興立祠壇設施飲食請諸婆羅門祠祀已訖便還入城時佛入城乞食來出道中見佛光相巍巍歡喜踊躍連佛一匝作札而去時佛便笑光從口出遍照十方上至三十三天下至大地獄諸畜生禽獸諸餓鬼五道境界莫不蒙明病者皆愈牢獄繫閉悉得放解諸天人見佛光明歡喜无量來至佛所以若干花香供養世尊阿難長跪前白佛言今日世尊欣笑如是願說笑意佛告阿難見此婆羅門遠佛一匝者不對曰唯然見之佛告阿難此婆羅門見佛歡喜清淨敬意遠佛一匝以此功德從是以後二十五劫不墮三塗天上人中所有之慶快樂元極竟二十五劫當得辟支佛名特觀鄉祇梨阿難及一切大衆聞佛所說身心清淨有得須陀洹斯陀舍阿

菩薩本行經卷上 第十品 廣度

都舍阿羅漢者或發无上正真道者
衆會歡喜為佛作礼右遶而去

聞如是一時佛在鬱單羅延國佛與
千二百五十沙門俱行詣村落如來
色相三十有二八十種好光明晃煇
照耀天地莫不大明猶如盛月星中
特明時天盛熱無有蔭涼有一放羊
人見佛光相心自念言如來世尊三
界之師涉冒盛熱無有蔭涼即編草
作蓋用覆佛上捉隨佛行去羊大遠
放蓋擲地還趣羊邊佛便微笑金色
光從口中出數千萬岐岐出百千萬
光遍照十方上至三十三天下至十
八地獄禽獸餓鬼莫不大明三界天
人見佛光明應時皆來至於佛所一
切人民及諸龍阿修倫無數衆會皆
大歡喜持香花伎樂供養如來阿難
長跪前白佛言佛不妄笑願說其意
佛告阿難汝今見此放羊人不對日
唯然見之佛告阿難此放羊人以恭
敬之心而以草蓋用覆佛上以此切
德十三劫中天上世間生尊貴處常
自然有七寶之蓋而在其上命終之後

菩薩本行經卷上 第十三 讚

不墮三惡道中竟十三劫出家為道
成辟支佛名阿耨婆達一切大衆聞
佛所說或得道迹往來不還无著之
證成辟支佛或發无上正真道意者
或得立不退轉地者衆會歡喜為佛
作礼而去

聞如是一時佛在舍衛國祇樹給孤
獨園佛尊弟子名舍利弗晝夜六時
常以道眼觀於衆生應得度者輒往
度之王波斯匿有一大臣名曰師質
財富無量應時得度時舍利弗明日
晨朝著衣持鉢往詣其家而從乞食
於是師質見即作礼問計請命入坐
施設牀座飯食時舍利弗食訖澡手
漱口為說經法富貴榮祿衆苦之本
居家恩愛猶如牢獄之中一切所有
皆悉非常三界尊貴猶如幻化五道
生死轉質身形无有吾我師質聞法
心意悚然不慕榮貴不樂恩愛觀於
居家猶如丘墓便以居業一切盡以
以付其弟便剃鬚髮而著袈裟便入
深山坐禪行道其婦愁憂思念前夫
不順後夫後夫問言居家財產珍寶

菩薩本行經卷上 第十三 讚

甚多何所乏短常愁不樂其婦報言
思念前夫是以愁耳其夫復問汝今
與我共為夫婦何以晝夜思念前夫
婦復答言前夫心意甚好无比是以
思念其弟見愛思念恐兄返戒還奪
其業便語賊帥雇汝五百金錢斫彼
沙門頭來賊帥受錢往到山中見彼
沙門沙門語言我唯弊衣无有財產
汝何以來賊即答言汝弟雇我使來
斫汝沙門恐怖便語賊言我新作道
人又未見佛不解道法且莫然我須
我見佛少解經法然我不逞賊語之
言今必斫汝不得止也沙門即舉一臂
而語賊言且斫一臂留我殘命使得
見佛時賊便斫一臂持去與弟於是
沙門便往見佛作礼却坐佛為說法
汝無數劫久遠以來割奪其頭手脚
之血多於四大海水積身之骨高於
須弥涕泣之淚過於四海飲親之乳
多於江海汝從無數劫以來不但今
也一切有身皆受衆苦一切衆苦皆
從習生由習恩愛有斯衆苦癡愛已
斷不習衆行不習衆行便无有身已

菩薩本行經卷上 第十三 讚

無有身累苦便滅唯當思惟八正之道於是沙門聞佛所說豁然意解即於佛前得阿羅漢道便放身命而般涅縣賊擔其臂往持與弟弟便持臂著於嫂前語其嫂言常云思念前賢此是其臂其嫂悲泣哽咽不樂便往白王王即推按如實不虛便煞其弟諸比丘有疑問佛而此沙門前世之時作何惡行今見斫臂修何德本今值世尊得阿羅漢道佛告諸比丘乃昔過去世波羅奈國今時有王名婆羅達出行遊獵馳逐走獸迷失徑路不知出處草木參天無餘方計而得來出大用恐怖遂復前行見一辟支佛王問其言迷失徑路從何得出軍馬人衆在於何時時辟支佛辟有惡瘡不能舉手即便持脚示其道徑王更瞋恚此是我民見我不起反持其脚示我道徑王便拔刀斫斷其臂時辟支佛意自念言王若不自悔責以往當受重罪無有出期於是辟支佛即於王前飛昇虛空神足變現時王見之以身投地舉聲大哭悔過自謝

菩薩本行經卷上 第十五

辟支佛唯願來下受我懺悔時辟支佛即便來下受其懺悔王持頭面著辟支佛足作禮自陳唯見矜愍受我懺悔願莫使我久受苦痛時辟支佛便放身命入於無餘涅縣王便收取耶旬起塔花香供養常於塔前懺悔求願而得度脫佛言今時王者此沙門是由斫臂支佛辟五百世中常見斫臂而死至于今日由懺悔故不墮地獄解了智慧而得度脫成阿羅漢道佛告諸比丘一切殃福終不朽敗諸比丘聞佛所說莫不驚悚頭面作禮昔佛在阿耨達池告五百阿羅漢汝等各各自說前世宿行今得成道時諸阿羅漢承佛教誨各各自說宿行所作功德時有阿羅漢名婆多竭梨自說前世無央數劫時世有佛名曰定光如來至真等正覺明行成為善逝世間解无上士道法御天人師有大慈哀衆祐一切為衆生作大依怙興出于世教化人天皆令成道乃取滅度分布舍利起於塔廟法欲末時我為貧人無餘方業窮行採薪還

菩薩本行經卷上 第十六

見大澤中有塔寺甚為巍巍我時見之心用欣然踊躍難量即便行往到其塔所瞻觀所像歡喜作禮見諸狐狼飛鳥走獸在中止宿草木荆棘不淨滿中迥絕無人無人行跡无供養者而我覩見心用愴然不曉知如來威神功德之法但以歡喜誅伐草木及於掃除不淨盡去掃塔已訖一心歡喜遠之八匝又手作禮而去持此功德壽終之後得生第十五光音天上以衆名寶用為宮殿光明晃煇於諸天中特為巍巍不可計量盡其天壽而復百返為轉輪聖王七寶自然典主四域復畢其壽常生國王大姓長者家財富無數顏容殊妙无有變比人見歡喜莫不愛敬欲行之時道路自淨虛空之中雨散衆花用此恭敬生處自然一阿僧祇九十劫中迴流宛轉常生天上及與人中尊榮豪貴封授自然不墮三塗我憶此事大自雅奇今我最後福願畢滿遺值釋師三界中雄入於尊法便成沙門六道清徹无不解達諸欲永盡得成羅

菩薩本行經卷上 第十七

其無復惱熱冷而元暖其心清淨獲於大安若有能於佛法及與眾僧所作如毛踐之善所生之慶受報弘大無有窮極自念往古所作德行報應如是者乎婆多竭梨於佛前自說宿行已為佛作禮却住一面

昔佛初得道惟念眾生愚癡倒見剛強難化吾設當為說法者誰肯信受不如取般涅縣亦元有來請佛說法者梵天知佛意欲取涅縣即與無數梵眾如人屈伸臂項來至佛所頭面作禮遠佛三匝長跪叉手前白佛言三界眾生盲冥甚久大聖出現唯願世尊以大慈大悲无量哀願受我請必受我請開演法藏施慧光明佛告梵天眾生難寤迷惑倒見吾設當為說其經法誰肯信受吾不如早取泥洹於是梵天重復請曰三界眾生為久在幽冥億百千劫乃有佛耳猶優曇鉢花時時乃有佛亦難值唯願如來重加大哀開寤愚癡願說經法世尊往昔元數劫來放捨身命頭目髓腦肌肉骨血國城妻子施與一切

菩薩三行經卷上 第十九 頌

為眾生故起大和擔當為眾生作大光明乃昔過去无央數劫時閻浮提有大國王名度閼耶謝梨慈仁勇猛端正第一典主八万四千諸國其國豐盛人民安樂今時國王處於正殿坐自思惟夫人在世尊榮豪貴富樂自然皆由先世施行眾善修習智慧以是之故今致自然已得自然迷惑色欲不惟非常不知更紹來世之福猶如畜生飽食終日无所用心夫為智者唯當修習智慧正法日新之益作是思惟已便告傍臣命請中有智慧者為吾說法我欲聞之群臣受教遣使四出諸國命請聰明大智慧者時有一婆羅門學問廣博智慧第一來應王命群臣白王今有婆羅門聰明博達來在門外王聞歡喜即出奉迎頭面作禮施設寶座供施甘饌食訖澡漱王語婆羅門言久聞有德故遠相屈唯願大仙為說經法答言我學以來積年勤苦大王云何直余欲聞王語婆羅門言欲須國城珍寶隨意所欲悉當相給答言我亦不用珍寶

菩薩三行經卷上 第十九 頌

國城妻子象馬大王若能剋其身肉用作千燈若能舍者當為說法不能舍者經法難聞王自念言元數劫來喪身巨計未曾為法今為法故以身為燈甚為快善王大歡喜答婆羅門言如汝所勸即當奉行不敢違命婆羅門言能舍者大善何時當為王復答言却後七日乃當為之王勅群臣告下諸國大王却後七日為聞法故當於身上而燃千燈諸欲來見王者皆悉集於大國群臣受教同時遣使於身上而燃千燈諸王臣民諸欲來見王者疾來馳至集於大國當是之時諸王臣民聞之驚愕如喪父母哀啼泣動閭浮提諸王臣民悉來集會王勅語傍臣於大廣博平坦之地設施座席群臣奉命即時於廣博地設施床座時王飯已與諸夫人二万姝女一万大臣導從前後王於座所王處正座諸夫人姝女及諸王群臣人民皆悉同時腹拍王前同聲白王言唯願天王大慈大悲无量哀哀以我

菩薩三行經卷上 第三十 頌

等故莫於身上而燃千燈王荅謝諸王臣民夫人姝女吾從无央數劫五道生死壞身無數未曾為法喪身命也今為法故以身作燈持是功德用未佛道普為十方無量衆生作大光明除去衆生三毒癡冥吾成佛時當為汝等施慧光明照除生死開涅槃門入安隱法汝等莫却我无上道心時諸會者皆悉默然於是大王即便持刀授與左右勅令剗身作千燈處出其身肉深如大錢以酥油灌中而作千燈安炷已訖語婆羅門言先說經法然後燃燈而婆羅門為王唯說一偈言

常者皆盡 高者亦墮 合會有離生者有死

王聞偈已歡喜踊躍告諸群臣夫人姝女皆悉受誦即便疏偈題著諸門街陌里巷勅諸人民皆令誦誦下閭浮提諸王臣民亦令誦誦於是大王告婆羅門今可燃燈王便立誓今為法故以身為燈我不求作聖王上至天帝及諸天王世界榮樂亦不求二

菩薩本行經卷上 第三十張 後

乘之證持是功德願求元上正真之道普為十方五道衆生作大法光明照於衆冥今時國王發是願已即時三千大千世界六種震動上至首陀會天一切宮殿皆悉震動時諸天人甚大惶怖是何瑞應令地大動即以天眼觀閭浮提見於菩薩為於法故身燃千燈發於弘誓是使令耳時諸天人皆悉來下而見菩薩身燃千燈無數諸天悲泣雨淚時天帝釋住於王前讚言善哉善哉為於法故不惜身命欲求何等菩薩荅言我亦不求轉輪聖王天帝魔王及梵天王色聲香味亦不求羅漢辟支佛持是功德用求無上正真之道普為十方無量衆生施慧光明照除衆生三毒癡冥今離衆苦至泥洹安樂時天帝釋復問王言身燃千燈得元痛惱而有悔耶王荅天帝不以為痛亦无悔恨天帝重問若无悔恨以何為證於是國王便自誓言而我今日為於法故身燃千燈持是功德用求無上正真之道當當成佛者千燈諸瘡即當除愈

菩薩本行經卷上 第三十張 後

身即平復无有瘡癰作是語已身即平復无復瘡癰端正姝好過踰於前時天帝釋無數諸天國王群臣夫人姝女無量庶民異口同音悉讚歎言善哉善哉歎未曾有歡喜踊躍皆奉行十善之教佛言今時國王若則我身是時婆羅門者調達是菩薩求習智慧精進如是

佛說菩薩本行經卷上

丹藏以此卷為下卷以中(為上)以下為中今詳始末并藏經耳

壬寅歲高麗國大藏都監奉
勅雕造

菩薩本行經卷上 第三十張 後

佛說菩薩本行經卷中

覆

失譯人名今附東晉錄

昔佛在舍衛國祇樹給孤獨園時有賢者名曰須達居家貧窮无有財產至信道德往至佛所頭面作禮稽首佛足却坐一面聽說經法佛問須達在家之士當行布施多布施耶小布施也當以好意而布施耶以不好意而布施乎佛告須達夫於布施所施雖多而獲報小布施雖小而獲報多何謂施多而獲報小雖多布施而無至心無恭敬心不大歡喜貢高自大所施之人信邪倒見非是正見不得使士所施雖多而獲報小猶如耕田薄地之中下種雖多收實甚小何謂施小而獲大福所施雖小歡喜與淨潔心與恭敬與不望報與所施之人復得快士佛及辟支佛沙門四道應正見者所施雖小獲報弘大猶如良田所種雖小收實甚多佛告須達吾自憶念過去世時此閻浮提有轉輪王名

波陀毘寧王有千子主四天下此閻浮提有八万四千國時有一婆羅門名曰比藍身體金色端正無比聰明智慧天地變運醫方鎮鑒上知天文下察地理中知人情一切典籍靡不貫達為人仁愛慈愍一切王甚愛敬八万四千諸王及國人民亦皆奉敬以為師主比藍大師為是大王非是波陀毘寧何以故波陀毘寧王治國正民一一諮啓比藍大師亦乃教化諸王臣民莫不歡喜於時大王而從比藍啓受經典亦復宣告八万四千諸小國王群臣太子一切人民皆從比藍諮受經典習學智慧諸王臣民皆從比藍啓受經典莫不歡喜皆言此是梵天來化我等為於好事非是凡人於時八万四千諸王受學智慧心意開解皆大歡喜八万四千諸小王人持一白象金銀綬絡駿馬一疋亦金銀綬絡牛一頭亦金銀綬絡妙女一人亦端正无比七寶瓔珞服飾殊好金鉦盛銀栗銀鉦盛金栗琉璃鉦盛金栗頗梨鉦盛金栗以金為車七寶

菩薩本行經卷中 第二張 覆

莊飾各各皆余有八万四千以用貢上比藍大師亦時大王波陀毘寧聞諸小王貢遺比藍大用歡喜我亦當復貢上比藍大師財寶即時莊嚴八万四千玉女之等七寶珠璣服飾殊妙瓔珞其身八万四千白象純金綬絡飾八万四千疋馬亦金銀綬絡八万四千頭牛盡金莊校八万四千金鉦盛銀栗八万四千銀鉦盛金栗八万四千琉璃鉦盛金栗八万四千頗梨鉦盛金栗八万四千乘車盡金綬飾用上比藍比藍受已念此財寶象馬車乘一切所有皆悉非常而不堅固自大王言財產所有皆悉非常摩滅之法我不用意欲布施濟諸窮乏王聞其言大用歡喜告勅群臣擊鼓宣令閻浮提內貧窮孤老婆羅門梵志皆悉來集比藍即設大檀人民聞令雲興而集強弱相扶皆悉來至於時比藍欲澡婆羅門手傾於軍持而水不出大用愁憂令我大祠將有何過意不清淨所施不好以何等故而水不出即時天人於虛空中語

菩薩本行經卷中 第二張 覆

比藍言汝今布施大好無比其心淨
索无能過者汝之功德天下第一无
過上者但所施人盡是邪偽倒見之
徒非是清高使士之輩而不堪任受
汝澡敬以是之故水不出耳於是比
藍聞天人語意便開解即作誓言今
我所施用成元上正真之道審如所
願者令我瀉水當墮我手中作擔願
已訖便傾澡瓶水即來自墮掌中
諸天空中讚言善哉善哉如汝所願
成佛不久亦時比藍布施貧乏衣被
飲食一切所須十二年中象馬珍寶
玉女之等盡用布施无所藏積佛告
須達尔時比藍婆羅門者今我身是
而我亦時所施亦好其心亦好受者
不好所施雖多獲報甚少而今我法
真妙清淨弟子真正所施雖少獲報
甚多於是比藍十二年中所作布施
及閻浮提一切人民行於布施計其
功德不如布施一須陀洹人其福甚
多過出其上設施百須陀洹并前比
藍所施閻浮提人所得福報不如施
一斯陀舍人其福甚多亦過其上正

菩薩本行經卷下 第三十 度

使施百斯陀舍百須陀洹及前比藍
施閻浮提人所得福報不如施一阿
那含人其福倍多過出其上施百阿
那含人百斯陀舍百須陀洹并前比
藍閻浮提人所得福報不如施一阿
羅漢其福甚多過出其上正使施百
羅漢百阿那含百斯陀舍百須陀洹
并前比藍閻浮提人所施功德不如
施一辟支佛其福甚多過出其上正
使布施百辟支佛百阿羅漢百阿那
含百斯陀舍百須陀洹及前比藍施
閻浮提人所得功德不如起塔僧房
精舍衣被牀卧飯食供養過去當來
今現在四方衆僧沙門道士給其所
須計其功德過前所作功德者上雖
起塔僧房精舍施辟支佛阿羅漢阿
那含斯陀舍須陀洹并前比藍閻浮
提人所作布施福德不如施佛一人
功德甚多不可復計雖供養佛起塔
僧房精舍及辟支佛阿羅漢阿那含
斯陀舍須陀洹并前比藍閻浮提人
所施功德不如有人一日之中受三
自歸八關齋若持五戒所得功德踰

菩薩本行經卷下 第三十 度

過於前所施福德百千万倍不可為
喻復以持戒之福并合集前一切施
佛功德及辟支佛四道之等合前比
藍閻浮提人所施福德不如坐禪慈
念衆生經一食之頃所得功德踰過
於前百千万倍踰前比藍閻浮提人
所作布施及施四道辟支佛起塔僧伽
藍上至施佛持戒坐禪慈念衆生合
集其德不如聞法執在心懷思惟四
諦非常苦空非身之法泥洹寂滅比
前所作一切功德最尊第一无有過
上於是須達聞法踰躍无量身心清淨
得阿那含道唯有五金錢一日持一
錢施佛一錢施法一錢施僧一錢自
食一錢作本日如是常有一錢在
終無有盡即受五戒長跪白佛言我
今日欲心已斷處在居家當云何也
佛告須達如汝今日心意清淨无復
受欲汝還歸家問諸婦女今我欲心
已滅汝等各從所樂須夫胥者恣從
所好若欲在此當給衣食須達受教
為佛作礼便還歸家問諸婦女我今
所欲都已永盡无復欲事汝等若欲

菩薩本行經卷下 第三十 度

須夫聳者各隨所好欲在此者供給衣食令無乏少諸婦女等各從意隨其所樂時有一婦人燭燭作麤有特桓來拙燭不可奈何捉割火杖用打特桓杖頭有火著羊毛住羊得火熱用指象廐象廐火然并燒王象象身爛破便然赫猴用拍象身天於空中而說偈言

瞋恚鬪諍邊不當於中止羯羴共相拉繩鐵於中死婢共特桓鬪赫猴而坐死智者速熾疑莫與愚人止

波斯匿王初臣作限自今以去夜不得燃火及於燈燭其有犯者罰金千兩亦時須達得道在家晝夜坐禪初人定時燃燈坐禪夜半休息鷄鳴復燃燈坐禪伺捕得之捉燈白王當輸罰負須達白王今我貧窮无百錢產當用何等輸王罰負王瞋勅使閉者獄中即將須達付獄執守四天王見須達被閉在獄初夜四天王來下語須達言我與汝錢用輸王罰可得來出須達答言王自當歡喜意解不須用錢為曰天王而說經竟天王便去

菩薩本行經卷中 第七經 竟

到中夜天帝釋復來下就而見之須達為說法竟帝釋便去次到後夜梵天復下見於須達便為說法梵天復去時王夜於觀上見獄上有火光時王明日即便遣人往語須達坐火被閉而无熱著續復燃火須達答言我不燃火若燃火者當有烟灰表式復語須達初夜有四火中夜有一火倍大前火後夜復有一火遂倍於前言不燃火為何等須達答言此非是火也初夜四天王來下見我中夜第二天帝來下見我後夜第七梵天來下見我是天身上光明之焰非是火也使聞其語即往白王王聞如是心驚毛豎王言此人福德殊特乃尔我今云何而毀辱之即勅吏言促放出去勿使稽遲便放令去須達得出往至佛所頭面作礼却坐聽法波斯匿王即便嚴駕尋至佛所人民見王皆悉避坐而起唯有須達心存法味見王不起王心微恨此是我民懷於輕慢見我不起遂懷愠心佛知其意止不說法王曰佛言願說經法佛告王

菩薩本行經卷中 第八經 竟

言今非是時為王說法云何非時人起瞋恚忿結不解若起貪煙耽龍女色憍貴自大无恭敬心其心垢濁聞於妙法而不能解以是之故今非是時為王說法王聞佛語意自念言坐此人故令我今日有二折減又起瞋恚不得聞法為佛作礼而去出到於外勅語左右此人若出直斫頭取作是語已應時四面虎狼獅子毒害之獸悉來圍遶於王王見如是即大恐怖還至佛所佛問大王何以未還王曰佛言見其如是恐怖來還佛告王曰識此人不王曰不識佛言此人以得阿那含道坐起惡意向此人故是使尔耳若不還者王必當危不得全濟王聞佛語即大恐怖即向須達懺悔作礼羊皮四布於須達前王言此是我民而向屈辱實為甚難須達復言而我貧窮行於布施亦復甚難尸羅師質為國平正為賊所捉賊語之日言不見我我當放汝不者煞汝尸羅師質意自念言今作妄語為非法事若墮地獄誰當放我作是思惟便語

菩薩本行經卷中 第九經 竟

賊言寧斫我頭終不妄語賊便放之
危害垂至不犯妄語慎行正法實為
甚難復有天名尸迦梨復自說我
受八閼齋於高樓上卧有天王女來
至我所以持禁戒而不受之實為甚
難於是四人各各自說如是即於佛
前而說頌曰

貧窮布施難 豪貴忍辱難 危嶮持戒難
少壯捨欲難

佛說偈已重說經法王及臣民皆大
歡喜為佛作札而去

聞如是一時佛在羅閱祇比留畔迦
蘭陀尼波僧迦藍優連聚落有一泉
水中有毒龍名曰酸陀梨甚大兇惡
放於電霜傷破五穀令不成熟人民
飢餓時有婆羅門呪龍伏之令不電
霜五穀熟成經有年載此婆羅門送
便老耄呪術不行余時有壯婆羅門
呪術流利舉聲誦呪雲似得散令不
電霜五穀熟人民歡喜語婆羅門
在此住止當共供給令不乏少婆羅
門言可便住於彼常共合餽輸婆羅
門不使有之自佛來入國廣說經法

菩薩本行卷中 第十卷 廣

人民大小咸受道化得道甚多諸龍
鬼神皆悉為善不作惡害風雨時節
五穀豐賤更不供給婆羅門所須婆
羅門往從索之諸人民輩逆更詈罵
而不與之時婆羅門心起瞋恚蒙我
恩力而得飽滿反更調我欲得破滅
人民國土便問人言求心所願云何
得之人語之言飯佛四尊弟子必得
從願如心所欲時婆羅門即設飯食
請大迦葉舍利弗目連阿那律飯是
四尊至心作札求心所願我今持此
所作福德願使我作大力毒龍破滅
此國必當使我得此所願時舍利弗
道眼觀之求何等願知婆羅門心中
所念願作毒龍欲滅此國時舍利弗
語婆羅門莫作此願用作龍地害惡
身為若欲求作轉輪聖王若天帝釋魔
王梵王盡皆可得用此惡身不好願
為時婆羅門答舍利弗言久求此願
適欲得此不用餘願時婆羅門舉手
五指水即流出時舍利弗見其意堅
證現如此默然而止時婆羅門及
婦二兒俱願作龍死受龍身有大神

菩薩本行卷中 第十卷 廣

力至為毒惡便煞酸陀梨龍棄其廢
住便放風雨大墮電霜傷煞五穀唯
有草枯因名其龍阿波羅利婦名比
壽尼龍有二子一名璣都尼人民飢餓
死者甚多加復疫病死者無數時阿
閼世王往至佛所頭面作札長跪白
佛國界人民為惡龍疫鬼所見傷害
死者無數唯願世尊大慈大悲憐愍
一切唯見救護懷却災害佛即可之
余時世尊明日晨朝著衣持鉢入城
乞食詣於龍泉食訖洗鉢洗鉢之水
澍於泉中龍大瞋恚即便出水吐於
毒氣吐火向佛佛身出水滅之復雨
大電在於虛空化成天花復雨大石
化成琦飾復雨刀劍化成七寶化現
羅刹佛復化現毗沙門王羅刹便滅
龍復化作大象鼻捉利劍佛即化作
大師子王象便滅去適作龍像佛復
化作金翅鳥王龍便突走盡其神力
不能害佛突入泉中密迹力士舉金
剛杵打山山壞半墮泉中欲走來出
佛化泉水一成大火急欲突走於是
世尊蹈龍頂上龍不得去龍乃降伏

菩薩本行卷中 第十卷 廣

長跪白佛言世尊今日特見苦酷佛告龍目何以懷惡苦惱衆生龍便頭面作礼稽首佛足長跪白佛言願見放捨世尊所勅我當奉受佛告龍曰當受五戒為優婆塞龍及妻子盡受五戒為優婆塞慈心行善不更霜雹風雨時節五穀豐熟諸疫鬼筆盡皆走去向毗舍離摩竭國中人民飽滿衆病除愈遂便安樂毗舍離人民疫病死者甚多聞摩竭國佛在其中降伏惡龍疫病消滅毗舍離王即遣使者往至佛所於是使者前至佛所稽首佛足長跪白佛言王故遣我來稽首問訊如來大聖我國疫死者甚多唯願世尊大慈憐愍臨覆我國勞屈光威望得全濟此舍離國與摩竭國素有怨嫌阿闍世王聞毗舍離國疫鬼流行大用歡喜今時世尊告毗舍離使我以先受阿闍世王九十日請而今未竟汝自往語阿闍世王使白佛言二國素有怨嫌我今往到必當見煞佛告使言汝但為佛作使終无有能煞汝者也佛宣告使言語阿闍

世王

世王慈父惡逆之罪用向如來改悔故在地獄中當受世間五百日罪便當得脫使即受教往詣王門王及群臣聞毗舍離使在於門外咸共瞋恚皆共議言當截其頭剋其耳鼻碎其身骨當使如麵使入到殿前大唱聲言世尊遣我到大王邊聞是佛使皆各歡喜王問使言佛遣汝來何所告勅使便答言佛謝大王所作惡逆慈父之罪用向如來懺悔之故在於地獄當受世間五百日罪便當得出唯當自責改往修來莫用愁憂三閻是語歡喜踊躍不能自勝我造逆罪在於地獄為有出期即遙向佛稽首作礼王語使言汝能為我致此消息快不可言欲求何願恣當與汝使白王言毗舍離國疫病流行欲得請佛光臨國界望得全濟唯願大王懇佛使去王即可之便報使言語汝大王我從城門到恒水邊修治道路以花布地羅列幢幡到恒水邊舉國兵衆侍送世尊到恒水邊汝亦當從毗舍離城平治道路而散花香羅列幢幡到恒

世王

水邊舉毗舍離臣民兵衆盡來迎佛到恒水邊若能介者聽佛使去不能介者不放使去毗舍離使聞王所使歡喜踊躍即便辭還到於佛所頭面作礼白佛如是佛即可之使便辭佛作礼而去還毗舍離白王如是王聞所言大用歡喜我曹國中亦須種福即便宣令平治道路從於城門到恒水邊悉令清淨布散諸花燒衆名香懸諸幢幡毗舍離王舉國臣民椎鐘鳴鼓作衆伎樂到恒水邊迎佛世尊持五百寶蓋貢上世尊摩竭國王亦復宣令修治道路悉令清淨布散花香懸諸幢幡到恒水邊與諸臣民舉國兵衆椎鐘鳴鼓作衆伎樂震動天地持送世尊到恒水邊以五百寶蓋奉上世尊四天王忉利天王至上化應聲天王各各皆與無數諸天各賣天上異妙珍琦雜種花香若干伎樂持五百寶蓋來貢上世尊第七梵天王上至首陀會天是諸天王各與無數諸天子等各賣天上雜妙香花若干伎樂持五百寶蓋貢上世尊毗舍離

世王

阿須倫王與无央數阿須倫民持於
眾寶雜種花香若干伎樂五百寶蓋
來奉上佛娑竭龍王與无數諸龍眷
屬各賣若干種香作衆伎樂五百寶
蓋來奉上世尊合三千蓋唯留一蓋
餘蓋受之所留一蓋者持用覆護後
諸弟子令得供養當于余時諸天人
民龍阿須倫不可稱計來至佛所毗
舍離王及諸臣民皆言今佛當渡恒
水我曹當共作五百船使佛渡水摩
竭國王及諸臣民亦言今日佛當渡
水我曹亦當作五百船令佛渡水諸
天亦各作五百寶船諸阿須倫亦復
共作五百寶船于時諸龍自共編身
作五百橋欲令世尊踏上而渡余時
世尊見於諸天一切人民龍阿須倫
各各歡喜有恭敬心欲使衆生普得
其福即便化身遍諸船上諸天人民
龍阿須倫皆各自見如來世尊獨在
我船不在餘船於是如來渡水已竟
无數諸天畏塞虛空散衆名花燒異
妙香作諸伎樂人及諸龍并阿須倫
皆亦如是散衆名花燒衆雜香作諸

伎樂娛樂七尊歡喜无量于時如來
觀於三界諸天人民心懷歡喜踊躍
無量供養如來世尊將欲說於前世
本所修行菩薩道時即便微笑五色
光明從口中出光有五分一一光頭
出无數明一一光頭有寶蓮花二
花上皆有化佛一分光明上照欲界
色界無色界三界諸天見其光明又
觀化佛皆悉歡喜各離欲樂來詣化
佛所聽說經法元量諸天聞說經法
歡喜踊躍皆各得道迹往來不還元
著證者發大道意入不退轉者一分
光明遍照三千大千世界在入道者
光明化佛充滿世界一切人民見其
光明又觀化佛瞋恚威者忿意消滅
皆發慈心煙火威者欲心消除觀其
瑕穢愚癡言寔皆悉醒寤解四非常
牢獄繫閉悉皆於解盲者得視聾者
得聽啞者能語拘躄者得手足瘡殘
百病皆悉除愈一切人民莫不歡喜
各離所樂來詣佛所時諸化佛各各
說法心意開解或得道迹往來不還
无著之果發於無上正真道意堅住

大乘不退轉者不可稱計一分光明
照於一切餓鬼境界光明化佛悉遍
餓鬼境界之處諸餓鬼等見佛光明
自然飽滿無有飢渴身心清淨无諸
惱熱聞其說法皆悉歡喜慳垢消滅
壽終之後皆得生天一分光明照於
大千畜生境界一切禽獸見佛光明
皆悉歡喜善心自生虎狼獅子龍蛇
毒惡之心皆悉消滅慈心相向不相
傷害壽終之後皆生天上一分光明
遍照大千地獄鐵圍山間幽冥之處
莫不明徹一切地獄衆生之類見其
光明又觀化佛歡喜踊躍火滅湯冷
拷治酷毒皆得休息冰寒獄中自然
溫煖地獄衆生既得休息歡喜踊躍
諸化佛等各為說法心開意解即時
壽終盡得生天當于是時光明化佛
充滿三千大千世界五道衆生皆得
度脫凡於如來光明入處各有所應
欲說地獄事光從足下入欲說畜生
事光從足上入欲說餓鬼事光從脛
踝入欲說人道事光從膝入欲說轉
輪聖王事先從臍入欲說羅漢事光

從口入欲說辟支佛事光從眉間入欲說菩薩事光從頂入欲說過去事光從後入欲說當來今現在事光從前入今時世尊現大變化光明普照十方世界大千境界雨衆天花無量伎樂不鼓自鳴諸天人民一切大衆莫不歡喜倍加踊躍於是世尊還攝神足光明便還遶佛三匝光從後入無量諸天一切大衆異口同音讚歎如來功德巍巍難量不可思議乃如是乎於是阿難長跪叉手前自佛言佛不妄笑笑必有因今日世尊欣笑如是將欲自說先世宿行佛告阿難及諸大衆乃昔過去久遠无量無數世時此閻浮提有轉輪王名修陀梨都寧王四天下此閻浮提八万四千諸小國王八万四千城王有七寶一金輪寶輪有千輻縱廣四十里周匝百二十里王欲行時輪在前導不寶伏者金輪自然在頭上旋自然降伏不用兵仗二摩尼珠寶著於幢頭晝夜常照千六百里三白象寶其象身體優脩姝好自如雲光王乘其上

菩薩本行經 第十卷 第十一品 禮

自然飛行一食之頃周四天下四紺馬寶朱色鬚尾王乘其上一食之頃遍四天下五典兵臣王意欲得百千万兵自然而至六典藏臣王意欲須金銀七寶衣被飲食披其兩手七寶財產一切所須隨意所欲從手中出而元有盡七玉女寶端正無比猶若天女無有女人瑕穢之垢身體香潔如優鉢花王意欲得清涼之時身自然冷欲得溫時身自然溫聲如梵聲常能使王歡喜踊躍名曰玉女寶王有千子勇猛無比王欲出時七寶大蓋常在其頭上七寶隨從群臣無數導從前後百千伎樂其音和雅巍巍堂堂不可稱計王千子中其最小者見王如是問其母言此何國王巍巍如是其母答言此是修陀梨都寧大轉輪王主四天下汝之父也不識之耶太子報言我當何時應得為王母復答言王有千子汝第一小不應得王太子復言若不應得為王者何用在家作白衣為即便長跪白其母言願聽出家作沙門詣山澤中學於仙道母

菩薩本行經 第十卷 第十二品 禮

即聽之其母告言若汝思惟所得智慧必還語我兒即許之即便剃頭而著袈裟詣於山澤精進坐禪思惟智慧內解五陰外了万物皆悉非常一切受身衆苦之器飛輪王帝豪勢世主三界尊榮猶若幻化空无吾我緣會則有緣離則无皆從癡愛因有諸行以有諸行受一切身五道之分便有衆苦若无癡愛則无諸行以无諸行則无五道以无五道則不受身以无身衆苦便滅思惟如是霍然意解成辟支佛飛騰變化六通清徹无所罣碍如其本誓便還見母現其神足身昇虛空經行坐卧身上出水身下出火身上出火身下出水身分作百作千作万無數還合為一其母見之歡喜踊躍頭面作礼母復問言從何所得飲食答言乞自存母復自言莫更乞食當受我請從今以往在此園中住願當日日受我飲食亦當使我得其福德時辟支佛便受母請住於園中其母日日自往飯之於彼園中經涉數年思惟身分聚積不

菩薩本行經 第十卷 第十三品 禮

淨身為苦器何用此為便捨身命入
於泥洹而般泥洹其母即便耶旬起
塔花香供養王於異時到此園中見
此塔即問左右而此園中素无是塔
誰起此塔辟支佛母即便自言是王
太子之中第一小者見王出時而問
我言是何大王魏魏如是我即答言
修陀梨都寧轉輪聖王是卿之父復
問我言我當何時應得為王我語之
曰汝於千子第一軍小不應得王其
子便言若使不得應作王者何用在
家作白求為便辭我出家學道我
聽之我與共要若得道者必還見我
剃除鬚髮著於袈裟詣山澤中精進
坐禪成辟支佛道如其所指便還見
我我即請之在此園中日日供養飲
食所須經歷數年便般泥洹在此耶
旬起於塔廟是其塔也王聞此語且
悲且喜答夫人言何不語我我即當
以轉輪王位而用與之我不得聞大
有折減而今雖死我以王位而用與
之即脫天冠七寶拂飾王者威服著
於塔上王大七寶蓋用覆塔上頭面

菩薩本行經卷中 第三十 覆

作札花香供養伎樂娛樂

佛告阿難乃昔余時修陀梨都寧轉
輪王者今我身是而我余時自我之
子成辟支佛供養其塔而以王位而
用施之大七寶蓋覆於塔上因是功
德無央數劫作轉輪王主四天下七
寶隨從常有三千七寶之蓋自然而
至无央數劫或作天帝或作梵王至
于今日若我不取佛者三千寶蓋常
自然至無有窮盡供養一辟支佛塔
受其功德不可窮盡何況供養如來
色身及滅度後舍利起塔作佛形像
供養之者計其功德過踰於彼百千
億倍不可計倍元以為喻於時大衆
皆大歡喜心悅意解應時有得須陀
洹者斯陀含者阿那含者阿羅漢者
或發无上正真道意者或住立不退
轉者不可稱計余時大衆皆大歡喜
遠佛三匝頭面作札各還本所於是
世尊進至毗舍離城到門闥上而說
偈言

在地諸天神 虛空住諸天 諸來在此者
皆當發慈心 晝夜懷歡喜 當隨正法言

菩薩本行經卷中 第三十 覆

勿得懷害意 燒惱諸人民

佛說菩薩本行經卷中

辛丑歲高麗國大藏都監奉
勅雕造

菩薩本行經卷中 第三十 覆

佛說菩薩本行經卷下

覆

失譯人名今附東晉錄

尔時如來說是正真微妙語時諸疫鬼輩皆走去向摩竭國毗舍離國病盡除老時佛復還摩竭國中疫鬼復還毗舍離國尔時世尊往來七返即便說言我從無數劫以來所作功德作大誓願我今以此正真之行除去一切衆生身病并除意病佛言我為尸毗王時為一鵠故割其身肉興立誓願除去一切衆生危嶮摩訶薩埵太子時為餓虎故放捨身命舍尸王時自以身肉供養病人經十二年阿弥陀加良王時病自合藥而欲服之時有辟支佛病與王同來從七藥王自不服即便持藥施辟支佛自作誓願使一切病皆悉除愈修陀素弥王時百王臨死而濟其命令迦摩沙國王使入正見十二年惡誓使得銷除須大擎太子時二兒及婦持用布施摩休沙陀太子時以藥除衆生病復入大海得摩尼珠復除衆生貧困辟訶

婆利王時二十四日自以身肉以供病人羣提漢羅仙人時割截手足不起悲意迦尸王時人民疫病王受八閼齋起大慈心念於衆生人民病者皆悉除老毗婆浮為解呪師時人民疫病以身血肉持用解除與鬼獸之人民衆病皆悉除老梵天王時為一偈故自剥身皮而用寫經毗楞竭梨王時為一偈故於其身上而啄千針優多梨仙人時為一偈故剥身皮為紙折骨為筆血用和墨跋弥王時國中人民盡有瘡病王自行見毒樹此毒樹葉墮於水中人飲此水令人有病即拔毒樹根株盡隨以火燒之人民瘡病半得除老其中故有不差者王問醫言衆生瘡病何以不差醫答王言此瘡病重當得魚肉食之乃老王聞其言即到水邊上樹求願作魚今我以身除衆生病持此功德用求佛道普除一切衆生无量身病意病審如所願其有衆生食我肉者病盡除老即從樹上投身水中便化成魚而有聲言其有病者來取我肉敬病

佛說菩薩本行經卷下 第三卷 竟

當除老人民聞聲皆來取魚肉食之病盡除愈於是世尊自說前世宿行所作結於普願今皆得之今我以此正真之教除去一切衆生灾禍時佛便自化身作兩頭一頭看毗舍離國一頭看摩竭國疫鬼盡去還於大海人民衆病皆悉除老五穀豐熟人民安樂以法廣化并使意中諸欲之病悉得清淨立之於道一切人民皆大歡喜於是諸比丘異口同音讚歎如來无量功德甚奇甚特不可思議佛告諸比丘我不但今除衆生病飢渴之患過去世時亦復如是乃往過去無數世時此閻浮提有大國王名曰梵天典閻浮提八万四千諸小國王有二万夫人姝女一万無有太子晝夜愁憂禱祠神祇梵天天帝摩訶霸梨天諸大神日月天地因乃得兒子時子生皆端正殊好有大人相名大自在天為人慈仁聰明智慧世之典籍星宿變運日月博施一切技術莫不通達復學醫術和合諸藥宣令國中諸有病者悉來詣我當給醫藥飲

佛說菩薩本行經卷下 第三卷 竟

食占視人民間令諸有病者盡詣太子園中大小皆悉歡喜莫不歎德更不向餘醫輕慢餘醫諸醫師輩盡皆瞋恚妬忌太子當于是時舉閣浮提人民疫病加復穀貴集諸醫藥不能令老人民死者日日甚多王大慈憂命召諸醫問其方藥時有一醫妬王太子者心自念言今此太子是我怨家今乃得便即白王言更有一方試盡推覓王便可之即時便去明日乃還前白王言推得一方若使大王得服之者衆病必除王即告言須何等藥便試說之醫答王言當得從生以來仁慈愍衆生未曾起於瞋恚意者當用其血和藥服之得其兩眼用解遠鬼衆病乃差王即答言從生以來不起瞋恚此實難有此事甚難不可得也太子聞之白父王言此事易耳不為難得太子白王言我是父王之子我從生以來不曾恚瞋加害於人常慈愍一切初无惡相我身非常而无堅固不久會亦當死唯願大王聽我為藥除衆生病王便答言我无子息

普賢菩薩行經卷下 第五品 隨

禱祠諸天日月星辰四山五岳因乃得子今寧亡身失國終不聽汝太子便白父王言我求佛道今我以血施與衆生持此功德佛諸經法盡當解了我今以此肉眼施與衆生以此功德當得如來智慧之眼當為一切而作正導大王雖無太子故得為王若使國土無有人民為誰作王使諸人民衆病悉除亦使父王无有憂愁王復悲泣答太子言今我寧棄國王位可哀之子實不能捨於是太子長跪叉手白父王言今我求於无上正真之道若使愛惜身軀之身云何得解如來智慧深妙之法云何當得一切慈眼唯願父王莫得却我无上道心父王默然更無所說醫白王言我試取血持用和藥與諸病人若便得差乃出其眼若不差者不須出眼於是大子刺臂出血作誓願言我以此血除衆生病持此功德用成无上正真之道審成佛者一切衆生服此藥者病當除差便以血和藥與諸病人病皆除愈醫便白王其有病者服此藥者

普賢菩薩行經卷下 第五品 隨

皆悉除差目前現事可不信也時聞浮提八万四千諸小王臣民聞大王太子自出其眼慈救一切莫不悲泣皆悉來集長跪叉手白太子言唯願大王太子我曹寧自放捨身命不使太子毀其眼目汝之慈愍一切衆生不久成佛願莫自毀壞其眼目於是太子諫謝諸王臣民今我以此血肉之眼除衆生病持此功德用求佛道我成佛時當除汝等身病意病莫得却我无上道心今時諸王一切臣民聞是語已默然而住於是太子便勅左右設施解具欲挑其眼語左右人言誰能挑我眼者左右人皆辭不能時醫妬太子者答言我能太子歡喜報言甚快持刀授之語醫者言挑眼者我掌中便挑一眼者太子掌中於是太子便立誓言今我以此肉眼施與衆生不求轉輪聖王不求魔王不求梵王色聲香味細滑之樂持此功德用求无上正真之道使我得成一切智眼普為十方无量衆生作大醫王除去一切衆生身病意病施衆

普賢菩薩行經卷下 第五品 隨

生智慧之眼作是語已即便持眼者於案上審如我心所願者一切衆生病皆除愈父母見之即便悶絕良久乃蘇諸王臣民舉聲啼哭動於天地宛轉自摸或有迷悶絕者適欲舉刀更挑一眼應時三千大千世界為大震動三界諸天皆悉來下見於菩薩為衆生故自挑其眼而血流出無數諸天皆悉悲泣淚如咸雨時天帝釋到太子前問太子言汝今慈愍爲衆生故不惜身命出其肉眼如是勤苦實爲甚難所作功德欲求何等求轉輪王天帝魔王梵天王子求何等願耶太子答言不求聖王天帝魔王梵天王也不求三界色聲香味細滑之樂持此功德用求无上正真之道爲十方一切衆生作大醫王普除一切衆生身病意病施與衆生智慧之眼普離生死一切諸患時天帝釋一切諸天讚言善哉善哉甚使難及如汝所願成佛不久時天帝釋即取其眼運用持著太子眼中於時太子眼即平復絕更明好踰倍於前元量諸天

菩薩本行經卷下 第二十八

菩薩本行經卷下 第二十八

即以天花而散其上莫不歡喜父王及母夫人姝女諸王臣民皆大歡喜踊躍元量時天帝釋勅比婆岑摩大將軍逐諸疫鬼盡還大海一切病者皆悉除愈天帝便雨種種飲食次雨穀米次雨衣服次雨七寶一切衆生病盡除差皆悉飽滿无飢渴者人民歡喜國遂興隆却後數年父王命終便登王位坐於正殿七寶自至爲轉輪王主四天下莫不蒙慶所作功德現世獲之佛告諸比丘今時太子太自在天者則我身是今時父王梵天者則今父王白淨是今時母者今我母摩耶是今時醫挑我眼者今調達是今時閻浮提人民者今毗舍離國摩竭國人民是而我今時亦除其病飢渴之困我今亦復除去衆生身病意病亦使衆生普得慧眼立於道證菩薩行檀波羅蜜勤苦如是時諸比丘聞佛所說皆大歡喜爲佛作禮聞如是一時佛在舍衛國祇樹給孤獨園佛與千二百五十沙門俱欲入城分衛其佛欲入城之時五百天人

先放香風吹於道路及諸里巷悉令清淨不淨瑕穢盡除臭處自然入地悉令道路淨潔五百天人雨於香汁道路街巷悉令潤澤而散天花國王臣民見其瑞應知佛當來悉捨所好諸事緣務皆悉馳走來迎世尊人民見佛中有掃地者散花者燒香者持衣布地者中有解駝布地欲令佛蹈上而過者以身投地四布令佛蹈上者有持幡蓋者有作伎樂者一心叉手以清淨意而視佛一切衆生各各種種恭敬世尊時有一婆羅門至爲貧窮无有花香供養之調用自慙耻更無餘計唯當一心淨意視佛即便恭肅敬意以踊躍心叉手而住視於如來以偈敬佛而說頌曰
表容紫金輝 三十二相明 一切衆生類 親者莫不歡 見佛心踊躍 憂愁皆銷除 永度生死海 稽首礼大安
今時世尊欣然而笑五色光從口中出有千百奇一一光頭出無數明一一光端有七寶蓮花一一花上皆有化佛遍照十方下至諸大地獄上至

菩薩本行經卷下 第二十八

三十三天遍照五道幽冥之處極佛境界莫不大明三千世界諸天人民見佛光明莫不踊躍各離宮殿捨其所樂咸至佛所聽說經法而得度者見其光明而得度者或聞化佛所說經法而得度者或有尋光來至佛所而得度者無量地獄拷治之處悉得休息壽終之後盡得生天一切畜生禽獸之屬善心自生慈心相向不相傷害壽終之後亦得生天餓鬼之中都悉自然得百味食无有飢渴之想歡喜踊躍無復慍心壽終之後盡得生天無量衆生有者得視靜者得聽者能語僕者得伸拘躡能行癡殘百病皆悉除愈牢獄繫閉悉皆放解當尔之時大千世界諸天人民一切大衆莫不歡喜心皆清淨無復三垢其中或有得生天者得道迹者往來者不還者得羅漢者得辟支佛道者有發無上正真道意者或有堅住不退轉者各各如是不可稱計世尊光明照十方已還遶身三匝從眉間入於是阿難更整衣服長跪叉手前白

菩薩行經卷下 第十八 覆

佛言世尊今笑必有所因唯願說之佛告阿難見此婆羅門不阿難對曰唯然已見佛告阿難此婆羅門以清淨心一偈歎佛從是以後十三劫中天上人中封授自然常得端正吉祥辯慧人所讚歎不墮三塗八難之度却後皆當成辟支佛名曰歡悅一切衆會聞佛所說皆悉歡喜歌歎佛德阿難白佛言如來功德不可思議此婆羅門一偈歎佛所得功德不可限量使乃如是佛告阿難此婆羅門非但今日而讚歎我而得善利乃往過去世波羅奈國王名婆摩達多而出遊獵象兵馬兵車兵導從前後遊獵於山得一白象身白如雪光澤可愛而有六牙王得此象大用歡喜即付象師令使調之于時象師即著枷鞅絆大杖閉之於時其象悲泣淚出不欲飲食經下七日象師怖懼此王家象若不飲食不久便死即白王言所得白象不肯飲食悲泣淚出王聞其言即往看之王問象言何以不食象便作人語而白王言我心愁憂唯願

菩薩行經卷下 第十八 覆

大王當去我愁王復問言有何等愁象答王言我有父母年老朽邁不能行來更无供養者唯我供養採取飲食若我在此拘繫无供養者便當俱致用為悲愁大王若有大慈放我使去供養父母畢其年命自當求還供養大王不違此誓王聞其言愴然不樂即讚歎言汝雖畜生修於人行我雖為人作畜生行王即長跪解象令去時象便去供養父母經十二年父母終亡即便求還詣於王宮王見象還益加歡喜七寶莊嚴環路其身王欲出時象在前導王愛此象過踰太子衆象中軍因名象惜時有貧婆羅門欲詣王乞便問人言作何方便可得財賄有人語之王有白象甚為敬愛汝若能歎此象者乃可大得時婆羅門伺王出時在路傍住即歎白象而說偈言

汝身甚殊好 猶若天帝象 衆象相具足 福德甚巍巍 形影无雙比 猶若白雪光 身體甚難及 奇特不可量

今時國王聞歎白象大用歡喜賜婆

菩薩行經卷下 第十八 覆

羅門金錢五百便用致富佛告阿難
今時象幡者則我身是時婆羅門者
今此婆羅門是今時歎我而得益利
用濟窮乏今我成佛而復歎我獲其
福報不可限量因得濟度生死之難
阿難長跪前白佛言若使有人四句
一頌讚歎如來當得幾許功德之報
佛告阿難正使億百千那由其他衆
生皆得人身悉得成就辟支佛道最
使有人供養是等諸辟支佛未被飲
食醫藥牀卧敷具滿百歲中其人功
德寧為多不阿難白佛言甚多甚多
不可計量若使有人四句一偈以歡
喜心讚歎如來所得功德過於供養
諸辟支佛得福德者上百千萬倍億
億無數倍無以為喻賢者阿難一切
大會聞佛所說皆大歡喜遠佛三匝
頭面作禮

聞如是一時佛在波羅奈國精舍中
止諸佛之法晝三時夜三時以正覺
眼觀於衆生誰應度者輒往度之時
波羅奈王有輔相婆羅門新取婦甚
為愛敬其婦白夫與我一願輔相若

佛說菩薩本行經 第十一卷 復

日欲求何等悉隨汝意婦即報言
我施佛及比丘僧手自斟酌聽說經
法夫即可之從汝所欲今時世尊知
其應度明旦晨朝著衣持鉢往詣其
家輔相夫婦聞佛在外歡喜踊躍即
出奉迎稽首佛足施設牀座請佛入
坐供施甘饌世尊食畢輔相夫婦手
自執水灌世尊手於是如來洗手漱
口已訖為說經法讚施之德持戒之
福天上人中封授自然尊榮豪貴富
樂無極雖復高尊諸欲自恣不能得
免三塗之苦地獄之中火燒湯煮刀
山劍樹火車爐炭刀鋸解折甚酷甚
痛不可具陳餓鬼中苦身瘦腹大咽
細如針孔骨節相敲共相切磨舉身
火然百千萬歲不聞水穀之名飢渴
甚困不可具說畜生中苦虎狼師子
蛇鱗蝦蟆更相殘害互相噉食三塗
之中惡心熾盛無有善意大如毛髮
宛轉苦毒無有出期唯捨諸欲思惟
正諦余乃得離衆苦毒耳受三界身
悉皆有苦一切衆苦皆從習生由習
諸欲三毒之垢諸行之報便有衆苦

佛說菩薩本行經 第十一卷 復

斷絕三毒銷然諸欲則元諸行衆行
已盡則不受身已無有身衆苦便滅
欲盡諸行一切縛者唯當思惟八正
之道佛為輔相夫婦說此法已應時
夫婦歡喜踊躍入四正諦即於佛前
得須陀洹道於是夫婦觀家如獄見
欲如火不樂思愛長跪白佛願為沙
門佛即可之頌讚自墮法衣在身其
夫便成沙門婦即成比丘尼俱隨佛
後到於精舍今時世尊重為說法三
十七品諸禪三昧思惟意解諸欲永
盡俱成羅漢六通清徹時諸比丘讚
歎如來神力智慧并復讚歎二阿羅
漢甚奇甚特在於尊豪便能放捨尊
貴榮祿其婦少壯棄欲捨樂甚為難
及佛告諸比丘此阿羅漢乃前世時
亦有好心今意亦好乃往過去无量
世時波羅奈國婆羅摩達王有輔
相名比豆梨為人慈仁聰明博達靡
所不通唯以十善而用教化王及臣
民莫不諮受王甚敬愛時海龍王名
波雷尼王有夫人名摩鄰斯王甚愛
敬於時龍王欲至天上會於釋所龍

佛說菩薩本行經 第十一卷 復

王持婦囑宮中五百妹女无得燒惱觸誤其意龍王去後於時夫人坐自思惟宿命之事憶念前世為人之時毀失禁戒今墮龍中即便不樂悲泣淚出諸侍女輩見其不樂咸共問之何以不樂夫人答言憶念先世本為人時坐犯禁戒今作龍身受此毒惡醜穢之形用為不樂問諸侍女作何方便得脫龍身生於天上諸侍女言以龍之形含毒熾盛求脫龍身生於天上甚難其難求索人身尚不可得況生天上中有一女而便答言我曾聞於閻浮提波羅奈國婆羅達王有一輔相至為慈仁智慧无比一切經典靡不通達生天人中五道所趣悉皆知之五戒十善而用教化能往問之乃知生天所行之法脫龍之行龍王求還見於夫人顏色不樂即便問言何以不樂夫人答言閻浮提波羅奈國婆羅達王有一輔相名比豆梨至為慈仁憐愍衆生智慧无比一切經籍靡不通達欲得此心而用食之欲得其血而欲飲之若得此者我愁

乃除龍王答言莫得憂愁我當求索於是龍王有親友夜又名曰不鄰奇語夜又言而我夫人聞閻浮提波羅奈國王有輔相名比豆梨為人慈愍智慧第一一切經籍莫不通暢欲得此心并及其血而飲食之為我索來持兩明珠而用與之於是夜又即便受教取明珠去到閻浮提化作賈客入波羅奈城捉摩尼珠行人間之言汝持此珠欲賣之不答言不賣欲用博戲即便白王外有賈客持二明珠欲用博戲其王聞之大用歡喜王自恃巧博必定得勝王言將來即喚入宮時王問言欲願何等夜又答言我得勝者持比豆梨與我王若得勝此珠屬王王便可之諸臣左右咸皆難之王利明珠自恃巧博我必得勝不用臣語即便共博夜又得勝得比豆梨於時夜又捉比豆梨徑飛虛空王失比豆梨大用愁憂諸臣皆言王行五事亡國失位一者博戲二者嗜酒三者耽荒女色感於音樂四者好出遊獵五者不用忠諫行此五事三不

得久於是夜又擔比豆梨到於山間便欲殺之時比豆梨問夜又言何以殺我夜又答言龍王夫人聞汝聰明智慧第一為人慈仁欲得汝血并及其心是以殺汝比豆梨言汝之愚癡不解意趣聞我智慧欲得我血者欲得我法欲得我心者而欲得我心中智慧共往見之欲須何等我盡與之時比豆梨即為夜又說人作惡有五事一者作事倉卒而不審諦二者後常多悔三者多懷瞋恚无有慈心四者惡名遠聞人所憎嫉不欲見之五者死墮地獄畜生餓鬼修善之人有五事好何等為五一者所作審諦以法自御而不平暴後无所悔二者多慈愍心无所加害三者好名流布聲震四遠四者人皆敬愛猶若師父五者死生天上及與人中快樂无極於是夜又聞其所說心即開解頭面作礼稽首其足即從比豆梨求受教誨時比豆梨為說十善生天之法夜又聞法歡喜踊躍奉而行之即將比豆梨至龍王所夫人見比豆梨歡喜無

量頭面作禮稽首歸命設施寶座供百味饌於是比豆梨便為龍王及夫人說於玉道所行罪福攝身三惡惡惡衆生无所傷害除捨慳貪義讓不盜觀欲環繞難於女色貞潔不淫言常至誠无有虛欺言常柔軟无震穢辭和其闕諱不訟彼此語則應律不加綺飾心常慈忍不起瞋恚見人使善代用歡喜无嫉妬心一心奉信佛法聖衆及至真式明了罪福意无狐疑行此十善具足无缺便得生天七寶宮殿所欲自然不殺不盜不淫不欺絕酒不醉五事具足生於中國王大姓長者之家尊榮豪貴富樂无極無有慈心殘害衆生殺劫人財盜竊非道煙犯他妻愛欲情態无有狀足妻言兩舌惡口罵詈瞋恚嫉妬不孝父母不信三尊背正向邪行此諸惡死入地獄燒炙拷笞万毒皆更痛不可言負債不償借貸不歸能突无信憍慢自大謗毀三寶死墮畜生驢馬駱駝猪羊狗犬師子虎狼蛇蠍蝮蝎蝮蝎及餘禽獸更相殘害害心熾

菩薩本行經卷下 第七品

威宛轉受苦无有出期慳貪嫉妬不肯布施不知衣食不信三尊慳火所燒死墮餓鬼形體羸瘦骨節相敲舉身火然百千万歲无有解時晝夜飢渴初不曾聞水穀之名唯行十善攝身口意長得生天快樂无極於是龍王及與夫人一切諸龍悚然心驚毛豎皆奉十善攝身口意持八關齋諸龍歡喜當于是時金翅鳥王欲來瞰龍盡其神力而不能近於是諸龍甚自欣慶恠未曾有龍王夫人大海諸龍一切夜叉盡奉十善莫不歡喜作禮稽首龍王即問比豆梨言大師欲還闍浮提不答言欲還於是龍王即以拈檀摩尼明珠及諸妙寶貢上菩薩夫人姝女一切諸龍及諸夜叉各奉十善妙珍奇還送比豆梨至波羅奈稽首作禮歡喜辭去大海諸龍及諸夜叉毒心銷滅死皆生天婆羅達王及諸群臣一切人民還得覲見師比豆梨皆大歡喜頭面作禮問計起居時比豆梨為王具說本末如是王及臣民莫不歡喜歡未曾有於是

菩薩本行經卷下 第七品

比豆梨以摩尼珠奉著樓頭至心求願即雨七寶衣被飲食遍闍浮提无量臣民皆悉豐樂時天帝釋及與人大海龍王迦留金翅鳥王各捨諸欲來在山澤持齋坐禪自守身心各自言我得福多天王自言我捨天上諸欲之樂今來在此攝身口意我得福多人王復言我捨宮中諸欲之娛樂來在此闍浮提身口意我得福多龍王復言我捨大海七寶宮殿諸欲之樂今來在此守身口意我得福多金翅鳥王亦復說言今此龍王是我之食我今持齋攝身口意无傷害心而不食之我得福多於是四王各自歎說意不決了便相謂言今當共往問師比豆梨即往比豆梨所頭面作禮各白如是誰得福多菩薩答言汝等各堅四幢幡青色白色黃色赤色即便受教堅四幢幡菩薩問言其影異耶一種色乎四王答言幡色各異其影一色而无有異菩薩答言汝等四王各捨所欲而來在此持戒自守所得功德皆悉同等而无差特如四色

菩薩本行經卷下 第七品

懽其影一類而元有異於時四王問
其所言各各意解歡喜踊躍時天帝
釋即以天上劫波育衣奉上菩薩於
時人王即以華妙之寶上於菩薩大
海龍王即以璠中摩尼寶珠以上菩
薩金翅鳥王天金佛飾以貢菩薩於
時四王皆大歡喜作禮而去時閻浮
提一切民人龍及夜叉盡行十善當
是之時世有壽終者盡皆生天元有
墮於三塗中者佛告諸比丘今時國
師比丘梨者今我身是今時龍王波
雷尼者今輔相是龍王夫人摩訶斯
者今此輔相婦是昔為龍時從我聞
法歡喜入心得脫龍身生於天上今
我得佛從我聞法歡喜意解即便出
家思惟智慧諸欲永盡俱得羅漢過
去世時其心亦好至于今世其心亦
好時諸比丘聞佛所說皆大歡喜共
佛作禮

佛說菩薩本行經卷下

壬寅歲高麗國大藏都監奉

勅雕造

善慶年行經卷下 第七十二

佛說法集經卷第一

尤契生三藏等授流支譯

如是我聞一時婆伽婆在虛空界法
界老別住震普皆嚴潔清淨无垢諸
佛如來福智莊嚴如意所化起於三
界有為數行過一切辭喻不可思議
諸佛如來果報所生於取勝樓閣妙
寶臺上與大比丘衆千二百五十人
俱皆是阿羅漢具四無尋得俱解脫
與菩薩摩訶薩衆皆悉清淨得常无
常三昧境界觀一切智智行處得無
中无邊法界彼岸滿足一切菩薩所
願具足一切菩薩自在得十無盡无
量功德以自莊嚴具足一切菩薩陀
羅尼三昧四無尋智與大威德天龍
夜叉乾闥婆阿修羅迦樓羅緊那羅
摩睺羅伽釋提桓因梵天四天王其
數百千萬及眷屬亦百千萬今時婆
伽婆所說經名入一切修行次第法
門所謂見諸賢聖能生信心得信心
者成就欲心得善法欲心者成就不
斷心得不斷心者成就義心得義心

者成就增上心修行檀波羅蜜者成
就大富故修行尸波羅蜜者成就入
天果報故修行羼提波羅蜜者成就
一切莊嚴故修行毗梨耶波羅蜜者
成就一切佛法故修行憍波羅蜜者
成就調柔心故修行般若波羅蜜者
成就過一切世間智故修行方便波羅
蜜者成就一切無障事故修行願波
羅蜜者自然成就一切事故修行力
波羅蜜者成就不可破壞故修行智
波羅蜜者成就一切世間歸依處故
出家者為成聖道故著染衣者遠離
一切世間事故乞食者為破一切憍
慢心故住阿蘭若處者成就无怖畏
故處宴坐者成就神通無量等故聞
法受持者成就四无尋故修念方便
者成就陀羅尼故修意方便者成就
老別法智故修堅固行者成就无大
衆畏故修樂說方便者成就記說不
錯謬故修陰方便者成就般若老別
故修界方便者成就微細般若老別
故修入方便者成就遠離内外迷心
故修諦方便者成就不誑一切衆生